

## Santa Lucia Luntana

Massimo Ranieri

Partono 'e bastimente  
pe' terre assaje luntane...  
Cántano a buordo:  
só' Napulitane!  
Cantano pe' tramente  
'o golfo già scumpare,  
e 'a luna, 'a miez'ò mare,  
nu poco 'e Napule  
lle fa vedé...

Santa Lucia!  
Luntano 'a te,  
quanta malincunia!  
Se gira 'o munno sano,  
se va a cercá furtuna...  
ma, quando sponta 'a luna,  
luntano 'a Napule  
nun se pò stá!

E sònano...Ma 'e mmane  
trèmmano 'ncopp' 'e ccorde...  
Quanta ricorde, ahimmé,  
quanta ricorde...  
E 'o core nun 'o sane  
nemmeno cu 'e ccanzone:  
Sentenno voce e suone,  
se mette a chiagnere  
ca vò' turná...

Santa Lucia!  
Luntano 'a te,  
quanta malincunia!  
Se gira 'o munno sano,  
se va a cercá furtuna...  
ma, quando sponta 'a luna,  
luntano 'a Napule  
nun se pò stá!

Santa Lucia, tu tiene  
sulo nu poco 'e mare...  
ma, cchiù luntana staje,  
cchiù bella pare...  
E' 'o canto d' 'e Ssirene  
ca tesse ancora 'e rrezze!  
Core nun vò' ricchezze:  
si è nato a Napule,  
ce vò' murí!

Santa Lucia!  
Luntano 'a te,  
quanta malincunia!  
Se gira 'o munno sano,  
se va a cercá furtuna...  
ma, quando sponta 'a luna,  
luntano 'a Napule  
nun se pò stá!

Tištěno z [www.txp.cz](http://www.txp.cz)

Sponzor: [www.srovnac.cz](http://www.srovnac.cz) - šetříme na pojištění!